

नहीं। दुई चार बार भेंट केरके बातचीत करेक पड़ी। जल्दवाजी करेक न खे। शादी से पहले शारीरिक सम्बन्ध नी होवेक पड़ी। आयो आवा और अगुवा केर सामने मे मंगनी करेक जरुरी हैक। खुद के शादी कर लागीन तैयार करेक पड़ी।

कहानी

विजय और ललिता दुयो संगी रहे उमन दुयो क्लास ८ मे पढ़ोत रहेन। उमन मे विजय केर उमर १७ और ललिता केर उमर १६ रहे। ऐसन समय आलक उ दुयो मे प्यार होइ गेलक। उ दुयो जन भागेक कर फैसला करेना और स्कुल छोइड़ के भाईग जाइना। स्कुल भी छुइट जाएला एखन छोड़ बगान मे काम करेला उ मन कर एगो छवा हैक। ललिता और उकर छवा दुयो जन विमार आहे। परिवार केर परिस्थिति अच्छा नाखे।

शादी कैसन करेक पड़ी

(इत्रानियो- १३:४)

शादी सोब बात मे आदर कर बात समझेक पड़ी। शादी विछौना निष्कलंक रहेक पड़ी

काले कि परमेश्वर व्यभिचारी और परस्त्रीगमन केर न्याय करी।

लेकिन जे परस्त्रीगमन करेला उ मुर्ख हेके। जे अपन प्राण के नाश करेक चाहेला उ ऐसन करेला उके घायल और अपमानित होवेक पड़ी और उकर नामधराई कभी नी मिटी। (नीतिवचन- ६०:३२-३३)

(का तोय अच्छा जीवन साथी पावेक लागीन प्रार्थना करवाईक चाहिस या चिन्तित आहिस तो हमनीसे सम्पर्क करवे।)

**आशीष चर्च
दक्षिण प्लास
पो- चम्पासरी
जिला- दार्जिलिंग
राज्य- पश्चिम बंगाल
पिन-७३४००५
फोन नम्बर- ८५०९९२८३४२**

कैसन मोके मालुम चली मोय केके शादी करबु ॥

* (शादी केर लड्डु जे खाइल उ भी पछताइल जे नी खाइल उ भी पछताइल)

* एगो विद्वान कहलक - “प्यार तो अंधा होवेला शादी आईख खोइल देवेला।”

* एगो कहावत हैक - “जल्दवाजी मे शादी करा खाली समय मे चिन्ता करा।”

- का तोय सही जीवन साथी केर तलाश में आहीस?
- का तोय सही जीवन साथी पावेक चाहीस?
- का तोय चाहीस कि तोर जीवन साथी अच्छा होवोक?
- का तोय शादी केर लागिन चिन्ता करीसला?
- का तोय भली पत्नी पावेक चाहीस?

- का आईज शादी केर लागीन सोचेक जरुरी हैक?
- कैसन मोय एक भली पत्नी पावेक सकबु?

का शादी केरक जरुरी हैक?

इ अच्छा हैक पुरुष औरत के ना छुवोक
परन्तु व्याभिचार केर डर से हर एक पुरुष कर
औरत और हर औरत कर पति होवक।
(१ कुरिन्थियो-७:१-२)

परन्तु मोय बिना शादी होवल वाला मन
से कहेक चाहोन उ मन के ऐसन ही रहेक अच्छा हैक
परन्तु अगर उ मन संयम नी करेक सकोथेन तो
शादी करोक काले कि शादी करेक कामातुर रहेक
से अच्छा हैक।

(१ कुरिन्थियो- ७:८-९)

फिर यहोवा परमेश्वर कहलक कि आदम
केर अकेला रहेक अच्छा न लगे मोय उकर लागीन
ऐसन सहायक बनाबु जे उकर से मेल खाई।
(उत्पति- २:९८)

ओहेले पुरुष अपन आयो आवा के छोईड
के आपन औरत से मिलल रही।
(उत्पति- २:२४)

परन्तु तोय शादी भी करबे तो कोनो पाप
नाखे परन्तु ऐसन के शारीरिक दुख होवी और मोय
बचाइक चाहोना। (१ कुरिन्थियो- ७:२८-२९)

शादी केरकर से करेक पड़ी

(१ कुरिन्थियो- ७:८-९)

विश्वासी केर अविश्वासी केर साथ का नाता।

सुन्दर औरत और अच्छा पुरुष केर इच्छा
केरक अच्छा हैक अब्राहम कर औरत सुन्दर रहे
इसहाक केर औरत भी सुन्दर रहे याकूब केर
औरत भी सुन्दर रहे मसीह भी ऐसन मन्डली से
शादी

करेक जाथे जेकर मे न कलंक न झुरी न
कोनो पाप होवोक लेकिन पवित्र और निर्दोष
होवोक।

परन्तु केवल रूप रंग देखल से धोखा
होवेक सकेल शोभा तो झूठी और सुन्दरता व्यर्थ
हैक।
(नीतिवचन- ३९:१०)

उ जीवन अपन जीवन केर सारा दिन
अपन पति से बुरा नही भला ही व्यवहार करेला।
(नीतिवचन- ३९:१२)

बाईबल तोहनी मन के स्वतंत्र देवेल
जेकर से चाहबा शादी करेक सकबा परन्तु केवल
प्रभु में।
(१ कुरिन्थियो- ७:३९)

बेकार में चिन्ता भी नी करेक पड़ी जब
ईसहाक केर नौकर उकर लागीन औरत केर खोज
मे निकैल रहे तब ईसहाक मैदान में मनन करोथ
रहे।
(उत्पति- २६:६३)

जब शादी केर बात चली तो कुछ बात के
विचार केर के प्रार्थना मे समय देवेक पड़ी दुसरा
कोई के भी प्रार्थना केरक कहेक पड़ी। इ निश्चित
केर लेवेक पड़ी कि दुयो केर मन में शान्ति हैक कि